

**ԿԱՌԱՎԱՐՈՒԹՅԱՆ ՆԻՍՏԻՑ**

**ԸՆԴՈՓԵՅ ՀԱՍԱՐԱԿԱՅՆՈՒԹՅԱՆ ՏԵՂԵԿԱՏՎՈՒԹՅԱՆ ՈՒՇԵՂԱՅՄԱՆ ԱՆՀՐԱԺԵՇՏՈՒԹՅՈՒՆԸ**



*Մայիսի 5-ին, Վրաստանի վարչապետ Գիորգի Կվիրկաշվիլու նախագահությամբ, կայացավ կառավարության հերթական նիստը:*

Նիստում էկոնոմիկայի նախարարությունը տեղեկատվություն ցերեկայացրեց նորաբաց ձեռնարկությունների վերաբերյալ: Վարչապետը նշեց, որ, «Արտադրիչի Վրաստանում» պետական ծրագրի շրջանակներ-

(Շարունակությունը՝ 2-րդ էջում)

**ՄՈՆԻՏՈՐԻՆԳ**

**ԲՈՒՆԱԶԱՎԹՎԱԾ ՏԱՐԱԾՔՆԵՐՈՒՄ ՆԵՐԿԱՅԱՑՎԵՑԻՆ ՄԱՐԴՈՒ ԻՐԱՎՈՒՆՔՆԵՐԻ ԽԱԽՏՄԱՆ ՓԱՍՏԵՐ**

**ԳԱԼԻ ՇՐՋԱՆՈՒՄ ՓԱՎՈՒՄ ԵՆ ՎՐԱՑԱԿԱՆ ԴՊՐՈՑՆԵՐԸ**

*Մայիսի 5-ին Վրաստանի նախագահ Գիորգի Մարգվելաշվիլին հանդիպում ունեցավ Եվրոպայի խորհրդի խորհրդարանական վեհաժողովի (ԵԽՎ) համագեկուցողներ Բորիս Սիլեիչի եւ Կերստին Մունդորենի հետ:*

Հանդիպմանը Վրաստանի դեկավարը համագեկուցողներին շնորհակալություն հայտնեց Եվրախորհրդի երկրների փոխնախարարների կոմիտեի կողմից Վրաստանի բռնազավթված տարածքներում վավերացված մարդու իրավունքների խախտման փաստերի դատապարտող որոշումն ընդունելու կապակցությամբ: Այդ որոշումը ուղղակիորեն Ռու-



սա ս տ ա ն ի ն պարտադրում է պաշտպանել բռնազավթված տարածքներում բնակվող վրացիների իրավունքները:

Վրաստանի նախագահը համագեկուցողների ուշադրությունը բեւեռեց Աբխազիայում, մասնավորապես՝ Գալիի շրջանում, իշխանությունների կողմից վրացական դպրոցների փակման փաստի վրա, եւ միջազգային հանրությունից պահանջեց համապատասխան արձագանքել սույն փաստին:

Համագեկուցողների հետ հանդիպում ունեցավ նաեւ Վրաստանի վարչապետ Գիորգի Կվիրկաշվիլին:

**ՎՐԱՍՏԱՆ-ԱՄՆ**

**ԳԻՈՐԳԻ ԿՎԻՐԿԱՇՎԻԼԻ. «ԱՄՆ ԲԱՐՁՐԱԳՈՒՅՆ ԴԵԿԱՎԱՐՈՒԹՅՈՒՆ ԸՆԴՈՓԵՑ ՎՐԱՍՏԱՆԻ ԱԶԱԿՑՈՒԹՅԱՆ ՊԱՏՐԱՍՏԱԿԱՄՈՒԹՅՈՒՆԸ»**

*Ինչպես արդեն հաղորդել ենք, Վրաստանի վարչապետ Գիորգի Կվիրկաշվիլին ապրիլի 20-29-ին, աշխատանքային այցով, գտնվում էր Ամերիկայի Միացյալ Նահանգներում: Այցի շրջանակներում, Վրաստանի վարչապետը հանդիպումներ ունեցավ ԱՄՆ փոխնախագահ Ջո Բայդենի, երկրի գործադիր եւ օրենսդիր մարմինների բարձրաստիճան պաշտոնյաների, միջազգային ֆինանսական կազմակերպությունների ու ամերիկյան գործարար շրջանների ներկայացուցիչների հետ:*



Հանրագումարելով ԱՄՆ կատարած աշխատանքային այցի արդյունքները՝ Վրաստանի վարչապետ Գիորգի Կվիրկաշվիլին ընդգծեց այն գլխավոր ազդանշանները, որոնք ստացվեցին ամերիկյան իշխանության բարձրաստիճան պաշտոնյաների կողմից անցկացված հանդիպումներում: Նրա խոսքերով, ԱՄՆ-ում Վրաստանի նկատմամբ հետաքրքրությունը մեծ է:

(Շարունակությունը՝ 2-րդ էջում)

**ՏԱՐԱԾԱՆԵՐԱՆ**

**ՅՈՒՐԻ ՎԱՐԴԱՆՅԱՆԸ ԿԱՅՑԵԼԻ ՍԱՄՑԽԵ-ԶԱՎԱԽԵԹԻ**



Այցի շրջանակներում, Յուրի Վարդանյանը կլինի Ախալցխեի,

*Վրաստանում Հայաստանի արտակարգ եւ լիազոր դեսպան Յուրի Վարդանյանը ծրագրել է հաջորդ շաբաթ այցելել Սամցխե-Ջավախեթի տարածաշրջան:*

Ախալքալաքի եւ Նինոծմինդայի մունիցիպալիտետներում:

Ախալցխիսեում Հայաստանի դեսպանը հանդիպում կունենա երկրամասի նահանգապետ Ակակի Մաճուտաձեի, Ախալցխիսեի մունիցիպալիտետի ղեկավարների հետ:

Ախալքալաքի եւ Նինոծմինդայի մունիցիպալիտետներում ծրագրված է դեսպանի հանդիպումները տեղի ինքնակառավարման մարմինների ղեկավարների, ինչպես նաեւ՝ տեղի բնակչության ներկայացուցիչների հետ:

**ՄԱՅԻՍԻ 9-Ը ՀԱՂԹԱՆԱԿԻ ՕՐՆ Է**

**ՈՉ ՀԱՍԱՐԱԿ ԱՄՍԱԹԻՎ**

*Մայիսի 9-ին ողջ առաջադեմ մարդկությունը նշում է գերմանական ֆաշիզմի դեմ տարած հաղթանակի 71-րդ տարեդարձը:*



1945 թվականի այդ օրը Գերմանիայի զինված ուժերի ներկայացուցիչ Քեյթելը, անգործությամբ կողքի դնելով մարշալական մականը, հակահիտլերյան դաշնակից երկրների՝ խորհրդային Միության, ԱՄՆ-ի, Մեծ Բրիտանիայի եւ Ֆրանսիայի ներկայացուցիչների ներկայությամբ ստորագրեց ֆաշիստական Գերմանիայի անվերապահ կապիտուլյացիայի ակտը:

Այսպիսով, հաթանակով ավարտվեց 1418 օր ու գիշեր տևած մահուկենաց կռիվը:

Մեծ հաղթանակում իրենց արժանի բաժինն ունեցան նաեւ վրաց եւ հայ ժողովուրդները: Այս երկու համեմատաբար փոքր ազգերը առանձնակի թանկ վճարեցին այդ հաղթանակի համար՝ նրանցից յուրաքանչյուրը զոհասեղանին նվիրաբերելով 300 հազար զավակների կյանքը:

Այսօրվա դրությամբ, Վրաստանի վետերանների գործերով ծառայության տվյալների համաձայն, Վրաստանում ապրում է երկրորդ աշխարհամարտի 1296 մասնակից, որից 391-ը առաջին, 273-ը՝ երկրորդ, իսկ 90-ը երրորդ խմբի հաշմանդամներ են: Վետերաններին տրվում է նվազագույնը 190 եւ առավելագույնը՝ 560 լարի կենսաթոշակ:

**ՄԱՅԻՍԻ 9-Ը՝ ՀԱՅՈՑ ԵՌԱՏՈՆ**

Մայիսի 9-ը՝ տարվա 129-րդ օրը, յուրաքանչյուր հայի համար լուր ամսաթիվ չէ, այն լուսավոր ապագայի կերտման խորհրդանիշ է: Այս օրը եռատոն է: Մայիսի 9-ին մեծ խանդավառությամբ նշվում է 1945-ին Հայրենական մեծ պատերազմում խորհրդային ժողովուրդների հաղթանակի տո-

նը, Շուշիի ազատագրման եւ Արցախի պաշտպանության բանակի ստեղծման տարեդարձը:

*Մայիսի 7-ին, ժամը 18:00-ին Թբիլիսիի «Հայարտուն» մշակութային կենտրոնում կանցկացվի Հայոց եռատոնին նվիրված միջոցառում:*

**ՀՈՐԵԼՅԱՆ**

**ՎՐԱՑԱԿԱՆ ԲԱՆԱԿԸ՝ 25 ՏԱՐԵԿԱՆ**

*Ապրիլի 30-ին Վրաստանի բանակը նշեց իր 25-ամյա հորեյամը:*



Վրաստանի զինված ուժերը, երկրի Գերագույն խորհրդի որոշմամբ, հիմնվեցին 1990 թվականին, ՆԳ նախարարության ներքին գործերի ու Ազգային գվարդիայի ստորաբաժանումների առանձնացմամբ: 1991 թվականի ապրիլի 30-ին անցկացվեց վրացական բանակի առաջին զինակոչը:

Ներկա դրությամբ, Վրաստանի զինված ուժերում ծառայում է շուրջ 37 հազար մարդ:

Հորեյանի առթիվ, Թբիլիսիի մերձակա Վազիանիի ռազմականում անցկացվեց հատուկ միջոցառում, որին ներկա էր Վրաստանի զինված ուժերի գերագույն գլխավոր իրամանատար, Վրաստանի նախագահ Գիորգի Մարգվելաշվիլին, դիվանագիտական կորպուսի ներկայացուցիչները: Ներկաների թվում էր նաեւ Վրաստանում Հայաստանի դեսպան Յուրի Վարդանյանը:

Վրաստանի զինված ուժերում ներկա դրությամբ հաշվվում են 5 հետեւակային բրիգադներ, զենիթա-հրետանային դիվիզիա, ռազմաօդային ուժեր, առանձին ուղղաթիռային եսկադրիլիա, Ազգային գվարդիա, հատուկ գործողությունների ուժերը, հետախուզական վաշտն ու այլ ստորաբաժանումներ:

Վրացական բանակի քառորդ դարյա հորեյանի առթիվ շնորհավորական ուղերձ հղեց նաեւ Վրաստանի վարչապետ Գիորգի Կվիրկաշվիլին:



ՎՐԱՍՏԱՆ-ԱՄՆ

ԳԻՈՐԳԻ ԿՎԻՐԻԿԱՇՎԻԼԻ. «ԱՄՆ ԲԱՐՁՐԱԳՈՒՅՆ ՂԵԿԱՎԱՐՈՒԹՅՈՒՆՆ ԸՆԴԳԾԵՑ ՎՐԱՍՏԱՆԻ ԱԶԱԿՑՈՒԹՅԱՆ ՊԱՏՐԱՍՏԱԿԱՄՈՒԹՅՈՒՆԸ»

(Սկիզբը՝ 1-ին էջում)

«Մենք ԱՄՆ բարձր մա-կարդակի ղեկավարության ներկայացուցիչներից ստա-ցանք ուժեղ ազդանշաններ, ընդգծվեց, որ մեր երկրների միջև ռազմավարական գոր-ծընկերությունը շարունակ-

վելու ու խորանալու է, եւ դա վերաբերում է բոլոր ոլորտ-ներին՝ ինչպես ռազմական, այնպես էլ՝ տնտեսական: Ընդգծվեց ԱՄՆ-ի կողմից Վրաս-տանի աջակցության պատ-րաստականությունը: Վրաս-տանի հարցը ամերիկյան քա-ղաքագետների համար օրա-

կարգի կարեւորագույն հար-ցերից մեկն է»,- հայտարա-րեց վարչապետը:

Նրա խոսքերով, Վրաստա-նի նկատմամբ հետաքրքրու-թյունը մեծ է նաեւ ամերիկ-յան գործարար շրջաններում: «Բնականաբար, կապված անվ-տանգության հետ հարցեր էին

առաջադրվում, սակայն, մենք կարողացանք ապացուցել, որ, չնայած տարածաշրջա-նում առկա մարտահրավեր-ներին, կարող ենք հիմնել կա-յունություն, ինչը անհրաժեշտ է ներդրումների գրավման հա-մար»,- հայտարարեց Գիոր-գի Կվիրիկաշվիլին:

ԿԱՌԱՎԱՐՈՒԹՅԱՆ ՆԻՍՏԻՑ

ԸՆԴԳԾՎԵՅ ՀԱՍԱՐԱԿԱՅՆՈՒԹՅԱՆ ՏԵՂԵԿԱՏՎՈՒԹՅԱՆ ՈՒԺԵՂԱՅՄԱՆ ԱՆՀՐԱԺԵՇՏՈՒԹՅՈՒՆԸ

(Սկիզբը՝ 1-ին էջում)

րում, ֆինանսավորում է ստացել 164 արտադրություն: Մենք շարունակում ենք ֆինանսավորումը «Արտադրիր Վրաս-տանում» ծրագրի շրջանակներում: Ներ-կա դրությամբ, ձեռնարկություններն ստացել են ավելի քան 400 միլիոն լա-

րիի ֆինանսավորում: Ծրագրի շրջա-նակներում, նախատեսվում ենք բացել եւս 7500 նոր աշխատատեղ»,- հայտա-րարեց վարչապետը:

Կառավարության ղեկավարը նախա-րարներին կոչ արեց հնարավորինս առավել մանրամասն տեղեկատվու-թյուն ներկայացնել հասարակայնու-

թյանը նոր արտադրությունների, աշ-խատատեղերի, պահանջարկ վայելող մասնագիտությունների վերաբերյալ: «Կարելու է, որ մեր քաղաքացիները հստակ տեղեկատվություն ունենան բացվող նոր արտադրության, սեղծվող նոր աշխատատեղի մասին»,- ընդգծեց Գիորգի Կվիրիկաշվիլին:

ԴԻՐՔՈՐՈՇՈՒՄ



ԹԵԱ ԾՈՒԼՈՒԿԻԱՆԻ. «ՎՐԱՍՏԱՆՈՒՄ ԿԱ 3,53 ՄԻԼԻՈՆ ՊՈՏԵՆՑԻԱԼ ԸՆՏՐՈՂ»

Մայիսի 3-ին Վրաստանի արդարադատության նախարարության պետապասարկումնե-րի զարգացման գործակալությունը ընտրացուցակները փոխանցեց Կենտրոնական ընտ-րական հանձնաժողովին:

Ինչպես հայտարարեց ար-դարադատության նախարար Թեա Ծուլուկիանին, ցուցակ-ներում նշված են Վրաստանում, այդ թվում՝ բռնազավթված տարածքներում, ինչպես նաեւ երկրի սահմաններից դուրս ապ-րող, ընտրելու իրավունք ունեցող Վրաստանի բոլոր քաղա-քացիները: Ցուցակում ներառված են նաեւ այն ընտրողները, ովքեր գրանցվել են առանց բնակչության հասցեն նշելու:

«Ցուցակների կատարելագործման եւ հստակեցման ուղ-ղությամբ արդարադատության նախարարությունն արդեն չորս տարի է, ինչ աշխատում է: Այս ընտրացուցակների կա-տարելագործման նախագծի շուրջ աշխատանքներն սկսվե-ցին 2015 թվականի հոկտեմբերին, ընտրություններից մեկ տարի շուտ: Այս նպատակով, իրականացվեցին մի շարք մի-ջոցառումներ: Վրաստանի ընտրական օրենսգրքում 2014 թվականին ընդունված փոփոխությունների շրջանակներում, ընտրացուցակներում լրացուցիչ մտցվեց ընտրողի լուսան-

կարը: Վերջին երեք տարիներին անցկացված աշխատանք-ների արդյունքում, ընտրողների տվյալների բազան որակա-պես բարելավվեց: Մասնավորապես, ավելի քան մեկուկես միլիոն քաղաքացիների տրվեց կենսաչափական անձնագիր, 750 հազար մարդ անվճար անձնական վկայական ստացավ: Մասշտաբային միջոցառումների արդյունքում, կենսաչափա-կան հստակ տվյալներ ստացվեցին ավելի քան 2,2 միլիոն ընտրողի մասին»,- ընդգծեց Թեա Ծուլուկիանին:

Նրա խոսքերով, արդարադատության նախարարի 2016 թվականի փետրվարի 15-ի հրամանագրով, անձվար փաս-տաթղթեր տվեցին այն անձանց, ովքեր փաստաթղթեր չունե-ին, հետեւաբար, չէին ներառված ընտրացուցակներում: Այդ ակցիայից ներկա դրությամբ օգտվել է 61979 մարդ:

«Նախագծի շրջանակներում, հատուկ ծրագրի շնորհիվ, վերացվեցին ընտրողների կրկնության փաստերն ու անհա-տական տվյալներում առկա սխալները»,- հայտարարեց Թեա Ծուլուկիանին:

ՏԱՐԱԾԱՆԵՐԱՆ

ՎՐԱՍՏԱՆԻ ՆԳ ՆԱԽԱՐԱՐԸ ՍԱՄՑԽԵ-ԶԱՎԱԽԵԹՈՒՄ

Վրաստանի ներքին գործերի նախարար Գիորգի Մոլեբրիշվիլին, Սամ-խե-Զավախեթի կատարած աշխատանքային այցի շրջանակներում, Ախալցխիստում անցկացրեց արտագնա խորհրդակցություն:

Աշխատանքային հանդիպմանը ման-րամասն տեղեկատվություն ստացավ երկ-րամասում տիրող իրավիճակի մասին: Մունցիպալիտետների ոստիկանության ղեկարտամենտի ղեկավարները նախա-րարին ներկայացրին հիմնախնդրային հարցերը, դրանց կարգավորման ուղղու-թյամբ ձեռնարկվելիք միջոցառումները: Գիորգի Մոլեբրիշվիլին խոսեց գե-

րատեսչության առաջիկա ծրագրերի, առաջնահերթու-թյունների մասին եւ կոնկ-րետ հանձնարարություններ տվեց: ՆԳ նախարարը իր խոսքում նշեց, որ գերատես-չությունը կշարունակի ան-գիջում պայքարը իրավախախտումնե-րի դեմ՝ առավելագույնս պաշտպանե-



լով երկրի քաղաքացիների անվտան-գությունը:

ՀԱՐՑՈՒՄ

ՌՈՒՍԱՍՏԱՆԻ ՀԵՏ ԵՐԿԽՈՍՈՒԹՅՈՒՆՆ ՈՒ ՀԱՐԱԲԵՐՈՒԹՅՈՒՆՆԵՐԸ ՊԵՏՔ Է ՊԱՅՊԱՆԵԼ

Ամերիկյան ազգային դեմոկրատական ինստիտուտի (NDI) հարցման արդյունքների հրապարակումից հետո, իր ուսում-նասիրության արդյունքները հրապարակեց նաեւ Միջազգա-յին հանրապետական ինստիտուտը (IRI):

Հարցման արդյունքներով, երկրի բնակչության 22 տոկոս-ը գտնում է, որ Վրաստանը պետք է ունենա արեւմտամետ քաղաքականություն, 52 տոկոս-ի կարծիքով, երկիրը, արեւմ-տամետ քաղաքականությամբ հանդերձ, պետք է պահպանի հարաբերությունները Ռուսաս-տանի հետ: 11 տոկոսը գտնում

է, որ երկրի համար ռուսամետ քաղաքականությունը գերադա-սելի է, թեպետ ընդգծում են նա-եւ Արեւմուտքի հետ հարաբե-րությունների պահպանման անհ-րաժեշտությունը: Բնակչության չորս տոկոսի համոզմամբ, Վրաս-տանը պետք է վարի միայն ռու-սամետ քաղաքականություն:


Հարցին, թե որքանով են

հարցման ենթակվածներն իրենց զգում պաշտպանված Ռուսաս-տանի հետ ներկայիս հարա-բերությունների պայմաննե-րում, 12 տոկոսը համարում է, որ «լավ պաշտպանված է», 41 տոկոսի կարծիքով, «իրեն շատ ավելի պաշտպանված, քան անպաշտպան է» զգում, 32 տո-կոսը գտնում է, որ «ավելի շատ անպաշտպան է, քան պաշտ-պանված», իսկ 10 տոկոսի հա-վաստմամբ՝ «անպաշտպան է»:

Ինչ վերաբերում է Ռուսաս-տանի հետ երկխոսությանը, ապա այդ գաղափարը լրիվու-թյամբ պաշտպանում է հարց-ման ենթարկվածների 59 տոկոս-ը, մասնակիորեն՝ 24 տոկոսը, լրիվությամբ դեմ է հարցման եմ-թարկվածների 10 տոկոսը:

Հիշեցնենք, որ մարտի 12-ից մինչեւ ապրիլի 2-ը, պատահա-կան ընտրության սկզբունքով, 1500 քաղաքացու հետ հարցումն անցկացվել է Վրաստանի բոլոր տարածաշրջաններում (բացա-ռությամբ Աբխազիայի եւ այսպես կոչված Հարավային Օսեթիայի):

ԱՐԵՎԻԿԱ ՄԱՆՈՒԿՅԱՆ



ԹՈՒՐԲԻԱ

ԴԱՎՈՒԹՕՂԼԻՆ ՊԱՇՏՈՆԱԹՈՂ ԵՂԱՎ

Թուրքիայի վարչապետ Ահմեդ Ղափու-թողլուն հայտարարել է, որ հեռանում է իշ-խող «Արդարություն եւ զարգացում» կու-սակցության (ԱԶԿ) ղեկավարի պաշտոնից:

Ղափութողլուն հայտարարել է նաեւ, որ մայիսի 22-ին կայանալիք կուսակցության արտահերթ համագումարում չի ներկայաց-նելու իր թեկնածությունը եւ իր հետագա գործունեությունը շարունակելու է միայն որպես Քոնյայից ընտրված պատգամավոր:

Կուսակցության ղեկավարությունից հեռանալով՝ Ղափութողլուն հեռանում է նաեւ երկրի վարչապետի պաշտոնից, քա-նի որ Թուրքիայում հենց իշխող կուսակ-ցության ղեկավարն է զբաղեցնում երկ-րի վարչապետի պաշտոնը:

Թուրքիայի գործող սահմանադրությամբ, երկրի ղեկավարը վարչապետն է, իսկ նա-խագահի պաշտոնը գլխավորապես արա-րողակարգային գործառույթներ կատարո-ղի իմաստ է կրում, սակայն Էրդողանը, Թուրքիայի նախագահ դառնալուց հետո, ցանկանում է շարունակել միայնակ կա-ռավարել Թուրքիան՝ այդպիսով խլելով Ղափութողլուի լիազորությունները:

ԸՆԴՈՒՆՎԵՑ ՔՈՒՂ ՊԱՏՊԱՄԱՎՈՐՆԵՐԻՆ ԱՆՁԵՆՆԱԽԵԼՈՒԹՅՈՒՆԻՑ ԶՐԿԵԼՈՒ ՈՐՈՇՈՒՄ

Թուրքիայի խորհրդարանի սահմա-նադրական հանձնաժողովը վավերաց-րել է քրդամետ ժողովուրդների դեմոկ-րատական կուսակցության խմբակցու-թյան պատգամավորների հետ ժողովր-դա-համրապետական կուսակցության (ԺԴԿ) խմբակցության որոշ պատգամա-վորներին անձեռնմխելիությունից զրկե-լու մասին սահմանադրական փոփոխու-թյան առաջարկը, որը, իշխող «Արդարու-թյուն եւ զարգացում» կուսակցության (ԱԶԿ) խմբակցության հանձնարարակա-նով, խորհրդարան էր ներկայացրել Ար-դարադատության նախարարությունը:

ՍԻՐԻԱ

ՈՒԺԻ ՄԵՋ Է

«ԼՈՒՈՒԹՅԱՆ ՌԵԺԻՄԸ»

Հալեպում մայիսի 5-ից ուժի մեջ է մտել «Լռության ռեժիմը»: Ինչպես հայտարարել է Սիրիայի զինված ուժերի հրամանատա-րությունը, Սիրիայի հյուսիսային մայրա-քաղաքում կրակը պետք է ամբողջովին դադարեցվի 48 ժամով:

Միաժամանակ, երկարացվել է «Լռության ռեժիմի» գործողությունը Ղափուսկուսի մեր-ծակա Արեւելյան Գուտա տարածաշրջա-նում եւ Լաթաքիայի նահանգի հյուսիսում: Ռազմական գործողություններն այնտեղ դադարեցվել էին ապրիլի 30-ին, ռուսական եւ ամերիկյան կողմերի նախաձեռնությամբ:

Փորձագետներն այն կարծիքին են, որ Սիրիայում հրադադարի ճակատագիրն այժմ մեծապես կախված է այն բանից, թե կիա-ջողվի՞, արդյոք, կանգնեցնել մարտական գործողությունները Հալեպում:

ԵՎՐԱՄԻՈՒԹՅՈՒՆ

ՏՈՒԳԱՆՔ ՓԱՆՍՏԱԿԱՆՆԵՐԻ ԸՆԴՈՒՆՈՒՄԻՑ ՀՐԱԺԱՐՎՈՂՆԵՐԻՆ

Եվրահանձնաժողովը պլանավորում է քննարկել այն երկրների համար ֆինան-սական վճարումներ սահմանելու հնարա-վորությունը, որոնք հրաժարվում են ըստ բաժնեչափերի տեղավորել ԵՄ ժամանած փախստականներին. տուգանքի չափը մեկ մարդու հաշվով կարող է կազմել շուրջ 250 հազար եվրո: Սակայն, այդ թիվը դե-ռեւս կարող է փոփոխվել:



# Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

## ԿՐԹԱԿԱՆ

### ՇՏԱՊԵՔ, ՈՐ ՀԱՅԿԱԿԱՆ ԴՊՐՈՑՆԵՐԻ ԱՌԱՋԻՆ ԴԱՍԱՐԱՆՆԵՐԸ ՀԱՄԱԼՐՎԵՆ ԱՇԱԿԵՐՏՆԵՐՈՎ ՄԵԿՆԱՐԿԵՅ ԱՌԱՋԻՆ ԴԱՍԱՐԱՆՅՈՒՆԵՐԻ ՀԱՄԵՆԴԱՆՈՒ ԳՐԱՆՅՈՒՄԸ

Մայիսի 4-ին մեկնարկեց 2016-2017 ուսումնական տարվա առաջին դասարան-ցիների համընդհանուր էլեկտրոնային գրանցումը:

Վրաստանի կրթության եւ գիտության փոխնախարար Լիա Գիգաուրուի հայտարարությամբ, գրանցումը կանցկացվի կրթության կառավարման համակարգի հատուկ կայք-էջում՝ [registration.emis.ge](http://registration.emis.ge) եւ կավարտվի մայիսի 25-ի ժամը 20:00-ին: Նրա պարզաբանմամբ, գրանցման համակարգին հնարավոր է անցնել նաեւ

Վրաստանի կրթության եւ գիտության նախարարության կայք-էջով:

Լիա Գիգաուրուի խոսքերով, որպեսզի աշակերտը գրանցվի, անհրաժեշտ է գրանցման համակարգի համապատասխան սյունակներում նշել երեխայի անձնական համարը, անուն-ազգանունը, ծնողների տվյալները: Դրանից հետո,

ծնողը ընտրում է ցանկալի դպրոցը եւ սեղմում գրանցման կոճակը: Գրանցման հաջող անցկացման դեպքում, էլեկտրոնային փոստով եւ SMS-ով կփոխանցվի անհատական կոդը:

Ինչպես նշեց Լիա Գիգաուրին, առաջին դասարանցիների համար հատկացվել է 70 500, եւ ներկա փուլում թափուր է մնացել շուրջ 52 հազար տեղ: «Յետեւաբար, ոչ մի երեխա առանց դպրոցի չի մնա», - հայտարարեց Լիա Գիգաուրին:

### ՍԿԱԿԵՑ ՌԻՍՈՒՑԻՉՆԵՐԻ ԵՎ ԴՊՐՈՑԻ ՏՆՕՐԵՆՆԵՐԻ ՆԱԽԱՊԱՏՐԱՍՏԱՆ ԵՐԿՐՈՐԴ ՓՈՒԼԸ

«Հազարամյակի մարտահրավեր» հիմնադրամի նախաձեռնած՝ ուսուցիչների եւ դպրոցների տնօրենների մասնագիտական նախապատրաստման նախագծով սկսվեց հաջորդ փուլը:

Ուսուցիչների զարգացման ազգային կենտրոնում արդեն

սկսվել են վարժանք-մոդուլները, որոնք մշակվել էին ու-

սումնական գործընթացի հիման վրա եւ կողմնորոշված են աշակերտների կողմը: Դրանց մասնակցում են նախագծի առաջին փուլից հաջողությամբ անցած 15 մանկավարժները: Եռաբարձ վարժանքներ-

ը կազմված են տեսական ու գործնական բաղադրիչներից եւ ներառում են քննիչ, ֆիզիկա, կենսաբանություն, անգլերեն, աշխարհագրություն եւ մաթեմատիկա առարկաները:

### 41,5 ՀԱՉԱՐ ԴԻՄՈՐԴ՝ ՄԻԱՍՆԱԿԱՆ ԱԶԳԱՅԻՆ ՔՆՆՈՒԹՅՈՒՆՆԵՐԻ ՀԱՄԱՐ



Ներկա դրությամբ, ընթացիկ տարվա միասնական ազգային քննությունների համար գրանցվել է 41,5 հազար դիմորդ: Արդեն հայտնի է նաեւ այն առարկաների ցանկը, որոնցում գրանցվել է ամենամեծ մրցակցությունը:

Այդ առարկաներից են պատմությունն ու բնագիտությունը: Մրցակցությունը բարձր կլինի նաեւ մաթեմատիկայի քննությանը: Նշենք, որ այս առարկան պահպանել է իր առաջատար դիրքերը առարկայական քննությունների ցանկում: Այդ տարի մաթեմատիկայի քննությանը միավորներ կգրանցի շուրջ 10 հազար դիմորդ:

Այս տարի, Վրաստանի մասշտաբով բուհերում հայտարարվել է 44 հազար թափուր տեղ: Ինչպես ասացին քննությունների կենտրոնում, այս տարի քննությունների համար գրանցված դիմորդների թիվը հավասար է նախորդ տարվա ցուցանիշին:

Դիմորդները հանձնելու են երեք պարտադիր առարկա՝ վրաց լեզու, օտար լեզու եւ ընդհանուր ունակություններ:

Զորքորդ քննությունը ընտրովի է՝ ելնելով ֆակուլտետից (չորքորդ առարկան փոխել ցանկացողները դա կատարելու են մինչեւ հունիսի մեկը):

Ավելացնենք, որ դիմորդների գրանցման վերջնաժամկետը հունիսի մեկն է:

Վրաստանի քննությունների եւ գնահատման ազգային կենտրոնի հայտարարությամբ, այս տարի, առաջին անգամ միասնական ազգային քննություններին յուրաքանչյուր դիմորդ իր աշխատանքային սեղանին կունենա համակարգիչ: Դիմորդը առաջադրանքին կծանոթանա համակարգիչի օգնությամբ, թեպետ պատասխանները հանձնելու է գրավոր:

Քննություններին բարձր արդյունքների հասած դիմորդները կստանան անվճար ուսուցման դրամաշնորհներ: Պետությունը նաեւ մասնակիորեն՝ 50 եւ 70 տոկոսով կֆինանսավորի նրանց ուսման վարձը, ովքեր ստացել են բարձր, սակայն առավելագույն թվով միավորներ:

### ՄԵԿՆԱՐԿԵՅ 6-ՐԴ ԵՎ 9-ՐԴ ԴԱՍԱՐԱՆՅՈՒՆԵՐԻ ԹԵՍՏԱՎՈՐՄԱՆ ԳՐԱՆՅՈՒՄԸ

Մայիսի 3-ին մեկնարկեց այն դպրոցների գրանցումը, որոնց ցանկանում են անցկացնել 6-րդ եւ 9-րդ դասարանցիների թեստավորումը:

Ինչպես հայտարարեցին գնահատման եւ քննությունների կենտրոնից, կենտրոնը դպրոցներին առաջարկում է ներգրավվել նախագծին, որի նպատակն է գնահատել տարրական եւ բազային մակարդակներում (6-րդ եւ 9-րդ դասարաններ) աշակերտների գիտելիքների մակարդակն ու աջակցել ուսումնական գործընթացին:

Ինչպես տեղեկացրին կենտրոնում,

աշակերտների գնահատման հիման վրա կոնկրետ աշակերտների ու դպրոցների ձեռքբերումների մասին կհարարակվի տեղեկատվություն: Գնահատման արդյունքները կներկայացվեն այնպես, որ հնարավորություն կընձեռեն ծրագրել աշակերտների գիտելիքների մակարդակի բարձրացմանն ուղղված միջոցառումները: Նախագծին դպրոցների մասնակցու-

թյունը կամավոր է, եւ տվյալներն էլ մատչելի կլինեն միայն նախագծին մասնակից կոնկրետ դպրոցներին:

Գրանցման վերջնաժամկետը մայիսի 16-ն է: Թեստավորումը վրաց լեզվի եւ գրականության, վրացերենը՝ որպես երկրորդ լեզվի, մաթեմատիկայի, անգլերենի առարկաներով կանցկացվի հունիսի 2-ից 9-ը: 9-րդ դասարանցիների համար լրացուցիչ կանցկացվի աշխարհագրության, ֆիզիկայի, քիմիայի, կենսաբանության եւ արվեստի առարկաների թեստավորում:

## ԱՄԵՐԻԿԱՆ ՏԱՆԿԵՐԸ ՎՐԱՍՏԱՆՈՒՄ

### ԱՄՆ ՌԱԶՄԱԿԱՆ ՏԵԽՆԻԿԱՆ ԿՑՈՒՑԱԴՐՎԻ ԹԲԻԼԻՍԻՈՒՄ, ԱՆԿԱԽՈՒԹՅԱՆ ՕՐՎԱ ՏՈՆԱԿԱՏԱՐՈՒԹՅԱՆ ԺԱՄԱՆԱԿ

Ամերիկյան M1A2 "Abrams" տանկերը եւ հետեւակի "Bradley" մարտական մեքենաները մայիսի 26-ին ներկայացվելու են Թբիլիսիի Ազատության հրապարակում: Այս մասին հայտարարեց Վրաստանի զինված ուժերի գլխավոր շտաբի պետ Վախթանգ Կապանաձեն:

Ամերիկյան ծանր տեխնիկան, որն ուղարկել են "Noble Partner 2016" վրաց-ամերիկյան զորավարություններին մասնակցելու համար, մայիսի 5-ին տեղավորվել է Թբիլիսիի մերձակա Վազիսանի ռազմակայանում:

Մարտական տեխնիկան բեռնվել է Բուլդարիայում, Վառնայի նավահանգստում, եւ լաստանավով հասցվել Վրաստան:

«Վրաց-ամերիկյան «Արժանի գործընկեր» զորավարությունները Վրաստանում անցկացվում են երկրորդ անգամ:

Վրաց-ամերիկյան վարժանքները պաշ-

տոնապես կսկսվեն մայիսի 11-ին եւ կավարտվեն մինչեւ մայիսի 26-ը:


Դրանց նպատակը ՆԱՏՕ-ի արագ արձագանքման ուժերի (NRF) հետ փոխգործակցությանը վրացական ստորաբաժանումների պատրաստության բարձրացումն է: Վարժանքների սցենարը հիմնվում է կայունության ասպիտման, հարձակման եւ պաշտպանության գործողությունների վրա», - հայտարարեցին Վրաստանի պաշտպանության նախարարությունում:

Վարժանքներին կմասնակցի 1300 զին-



ծառայող, այդ թվում՝ ԱՄՆ-ի եվրոպական հրամանատարության 650 զինծառայող, 500 վրացի եւ 150 բրիտանացի զինվորական:

Վրաստանի զինված ուժերի վարժանքների պատմության մեջ առաջին անգամ կօգտագործվեն «Աբրամս» ամերիկյան տանկեր: Զորավարություններին կմասնակցեն նաեւ ամերիկյան C-130 մարտական ինքնաթիռներ եւ այլ տեխնիկա:



### ԱՆԿՏԱՆԳՈՒԹՅԱՆ ԽՈՐՀՐԱՄԺՈՂՈՎ՝ ԵԱՀԿ ԳԼԽԱՎՈՐ ՔԱՐՏՈՒՂԱՐԻ ՄԱՍՆԱԿՑՈՒԹՅԱՐԲ

Ընթացիկ տարվա մայիսի 24-25-ին Թբիլիսիում կանցկացվի ամենամյա միջազգային խորհրդածողով՝ նվիրված Վրաստանի պաշտպանության եւ անվտանգության հարցերին:

Համաժողովին կմասնակցեն Վրաստանի կառավարության եւ խորհրդարանի անդամները, ոչ կառավարական կազմակերպությունների ներկայացուցիչներ, փորձագետներ, ինչպես նաեւ շուրջ 300 օտարերկրյա հյուրեր: Ինչպես նշել են խորհրդածողովի կազմակերպիչները, մասնակիցների թվում կլինեն Հարավային Կովկասի եւ Կենտրոնական Ասիայի երկրներում ՆԱՏՕ-ի գլխավոր քարտուղարի հատուկ ներկայացուցիչ Ջեյմս Ափաթուրայը եւ ԵԱՀԿ-ի գլխավոր քարտուղար Լամբերտո Ջանիերը:

Խորհրդածողովը կազմակերպել է Վրաստանի պաշտպանության նախարարությունը՝ ԱՄՆ-ի Ատլանտյան խորհրդի օժանդակությամբ:

### ԳԻՈՐԳԻ ՎԱՇԱՋԵՆ ԹՈՂԵՑ «ԱԶԳԱՅԻՆՆԵՐԻ» ՇԱՐՔԵՐԸ

Միասնական ազգային շարժման լիդերներից մեկը՝ Գիորգի Վաշաձեն, հեռացավ կուսակցության շարքերից: Թբիլիսիում, խորհրդարանի շենքում անցկացրած ճեպասուլիսում, Գիորգի Վաշաձեն հայտարարեց, որ մտադիր է հիմնել քաղաքական նոր շարժում:

Նրա խոսքերով, ընտրողները «Ազգային շարժումից» սպասում էին նոր նախաձեռնություններ, ինչը չարդարացավ եւ կուսակցությունում ձեւավորվեց փակ, կաթինետային համակարգ: Հիշեցնենք, որ Գիորգի Վաշաձեն հանդիսանում էր երկրում արդարադատության համակարգի իրականացված բարեփոխման հեղինակը: Նրան է պատկանում նաեւ արդարադատության տների հիմնման գաղափարը:

### ՎԱՐՁԻԱՅՈՒՄ ՆՈՐ ՔԱՐԱՆՁԱՎՆԵՐ ԵՆ ՀԱՅՏՆԱԲԵՐՎԵԼ

Վարձիայի վանական համալիրում վերանորոգման աշխատանքների ժամանակ հնէաբանները հայտնաբերել են մի քանի նոր քարանձավներ: Ժայռավոր կառույցում հայտնաբերված կենցաղային նշանակության քարանձավները գտնվում են Վարձիայի հարավային հատվածում: Հնէաբանների կարծիքով, ժամանակի առումով նոր հայտնաբերված քարանձավներն ավելի հին են, քան Վարձիայի վանական համալիրը: Ինչպես հայտարարեցին հուշարձանների պաշտպանության գործակալությունում, համալիրում շարունակվում են հետազոտական աշխատանքները:

### ԾԵԾՈՒՄ ԵՆ ԱՎԱՆՋՕՂԵՐ ԿՐՈՂ ՏՂԱՄԱՐԿԱՆՑ

Թբիլիսիի փողոցներից մեկում ծեծել են ականջօղ կրող տղամարդու: Միջադեպը տեղի է ունեցել ուշ գիշերին, Գլդանիի շրջանում:

Փողոցով անցնող երեք տղամարդկանցից մեկը կրում էր ականջօղ, ինչն էլ դարձել է նրա վրա հարձակման պատճառը: Տուժյալը չի հայտնվել իր ով լինելը: Վրաստանի ՆԳ նախարարությունը տեղի ունեցածը հաստատեցին եւ նշեցին, որ հարձակվողի ով լինելը պարզել են: Տարվում է հետաքննություն ՎՔՕ 125 հոդվածով:

Հիշեցնենք, որ մի քանի օր առաջ նույն պատճառով ավտոբուսի կանգառներից մեկում անհայտ անձինք ծեծել են 25-ամյա Նիկա Բերիձին:



## ՀԱՐՑԱԶԻՐՈՒՅՑ

# ՌՈՍԱՆ ԿՈՍՏԱՆՅԱՆ. «ՆՈՏԱՐԻ ԱՇԽԱՏԱՆԻՔԻ ՏԱՍԸ ՏԱՐԿԱ ԸՆԹԱՑՔՈՒՄ ԴԺԳՈՐՀՈՒԹՅԱՆ, ԱՌԱՎԵԼ ԵՎ Մ ԲՈՂՈՔԻ ԴԵՊՔ ՉԻ ԵՂԵԼ»

Արդի սոցիալական եւ ոչ միայն սոցիալական հարցերի կարգավորման կապակցությամբ, առօրյա մեծամասն է պահանջարկը նոտարական սպասարկման մակարդակի եւ, ընդհանրապես, նոտարների մասնագիտական պատրաստվածության մակարդակի: Հաճախ նոտարը իրավաբանական կրթությամբ այն միակ անձնավորությունն է, ով ի վիճակի է սովորական, մատչելի լեզվով պարզաբանել պաշտոնական լեզվով ընդունված եւ գործող օրենքը, ներկայացնել անհրաժեշտ խորհրդատվությունները, օգնել փաստաթղթերի ձեւակերպման հարցում: Եվ եթե հաշվի առնենք այն համագամանքը, որ Վրաստանի ազգային փոքրամասնություններով հոծաբնակ առանձին տարածաշրջանների բնակչության համար պետական լեզուն դժվարընկալելի կամ ընդհանրապես անհասկանալի է, ապա պարզ կդառնա, որ նոտարի դերը նման պարագայում առավել նշանակալից է: Հաշվի առնելով մեր առօրյայում նոտարի դերի անընդմեջ մեծացման համագամանքը՝ խմբագրությունը ձեռք ուշադրությանն է ներկայացնում Ախալքալաքի եւ Նինոծմինդայի մունիցիպալիտետներում գործող նոտարական բյուրոյի ղեկավար, նոտար Ռոման Կոստանյանի հետ հարցազրույցը:

- Պարոն Կոստանյան, մինչեւ գրույցն սկսելը, կարծում եմ, մեր ընթերցողներին կհետաքրքրի, թե ո՞ր երկրում է առաջին անգամ ծագել «նոտար» հասկացությունը:

- «Նոտար» հասկացությունը ծագել է դեռեւս հին Հռոմում, որտեղ նրանք հիշատակվում էին որպես «գրագիրներ», «քատուղաներ» եւ «հաշվարկիչներ»: Այսպես օրինակ, մեր թվարկության չորրորդ դարում Կոնստանդնուպոլսի պատրիարք Պոդոսի մոտ՝ որպես քատուղաներ ու նոտարներ, ծառայում էին սուրբ մահատակներ Մարկիանոսն ու Մարտիրոսը:

- Իսկ այսօր նոտարը ի՞նչ դեր է կատարում բնակչության անձնական, ընտանեկան ու սոցիալական հիմնախնդիրների կարգավորման հարցում:

- Համաձայնեք, որ մեր առօրյա կյանքում նոտարի դերը այնքան էլ փոքր չէ, առավել եւս հիմա, երբ վերջերս Վրաստանում գործնական բնույթ հաղորդվեց «նոտարական մեդիացիա» հասկացությանը, որի ընթացքում նոտարը կատարում է մեդիատորի, հաշտեցնողի, համակարգողի դեր: Նման դեպքերում, քաղաքացիները, առանց լրացուցիչ ջանքերի, ֆինանսական ու ժամանակի կորստի, կարող են դատական մարմինների փոխարեն կարգավորել իրենց կեցցադրային, ընտանեկան, ֆինանսական, նյութական եւ այլ տեսակի վիճարկելի հիմնախնդիրներ:

- Գիտե՞մք, որ նոտարը տեղեկատվությունը հանձնում է վրաց լեզվով, սակայն, ցավոք, մեր քաղաքացիների որոշակի մասը չի տիրապետում պետական լեզվին եւ, բնականաբար, չի կարող գնահատել, թե ինչ մակարդակով է թարգմանվել, օրինակ ժառանգության կամ նվիրատվության եւ այլնի հետ կապված փաստաթուղթը: Ո՞վ է թարգմանում նման փաստաթղթերը: Ի՞նչ է արվում բողոքները նվազագույնի հասցնելու համար, երբ, ասենք, թարգմանության մեջ սխալ է

հանդիպում: Ի՞նչ է արվում նման դեպքերում, ինչպե՞ս են ուղղում սխալները:

- Բնականաբար, ցանկացած նոտարական ակտ կամ նոտարի կողմից հաստատված փաստաթուղթ ձեւակերպվում է պետական լեզվով՝ վրացերեն, սակայն քաղաքացու խնդրանքով փաստաթուղթը կարող է գուգահեռաբար ձեւակերպվել նաեւ ուրիշ լեզվով, որին նոտարը տիրապետում է: Բացի այդ, նոտարները սերտորեն համագործակցում են որակյալ թարգմանիչների հետ, ովքեր, Վրաստանի օրենսդրության համաձայն, ստանձնում են կատարած թարգմանության համար լրիվ պատասխանատվությունը: Ելնելով վերոնշյալից՝ գործնականում տեքստերում կամ թարգմանություններում սխալների հավանականությունը գրոյակա՞ն է:

- Նինոծմինդայի եւ Ախալքալաքիի շրջաններում նոտարի նկատմամբ վերաբերմունքը որքանո՞վ է տարբերվում այլ տարածաշրջանների նոտարներից: Ինչպիսի՞ հարցերով է բնակչությունը մեծ մասամբ դիմում նոտարին:

- Դուք իրավացի եք, հիմնականում թե՛ Ախալքալաքիի եւ թե՛ Նինոծմինդայի շրջանների բնակիչների վերաբերմունքը առնչվում է նոտարական գրեթե նույն գործողություններին: Դա հիմնականում, տարբեր տեսակի փաստաթղթերի, երաշխավորագրերի թարգմանությունն է, բնօրինակի հետ պատճենների վավերացումը, տարբեր պայմանագրերի (առքուվաճառք, նվիրատվություն եւ այլն) ձեւակերպումն ու հաստատումը, ինչպես նաեւ ժառանգության հետ կապված գործավարությունը:

- Ասում եմ, որ դիմողները գոհ են մնացել ոչ միայն Ձեր վերաբերմունքից, այլեւ ստացած խորհրդատվությունից: Ի՞նչ կասե՞ք այդ մասին:

- Թե ինչպես են աշխատում, դա գնահատելու է բնակչությունը, թեպետ ցանկանում են նշել, որ հնարավորինս փորձում



են իմ իրավասությունների շրջանակներում օգնել բնակչությանը եւ, բարեբախտաբար, դա ստացվում է: Ասեմ, որ որպես նոտար՝ իմ աշխատանքի տասը տարվա ընթացքում բնակչության կողմից դժգոհության, առավել եւս բողոքի ոչ մի դեպք չի եղել:

- Ձեր կարծիքով, նոտարական ո՞ր հարցերն են կարեւոր, կամ՝ հիմնական, կամ՝ առավել կարեւոր:

- Սկզբունքորեն նոտարական բոլոր գործողությունները, նույնիսկ առաջին հայացքից աննշան թվացող գործողությունները, կարեւոր են, քանի որ դրանք կարող են հանգեցնել իրավաբանական բնույթի տարբեր հետեւանքների:

Թեպետ, օգտվելով առիթից, «Վրաստանի» ընթերցողներին կցանկանայի խորհուրդ տալ առանձնակի ուշադրություն հատկացնել ժառանգականությանն առնչվող գործավարությանը, քանի որ դա կապված է ժանկետների հետ եւ, օրենքով սահմանված ժանկետի խախտմամբ, քաղաքացին բացառված չէ, որ կարող է հայտնվել ավելորդ փաստաթղթերի, իրավաբանական փաստերի հավաքման եւ այլնի անհրաժեշտության փաստի առջեւ: Բոլորին խորհուրդ եմ տալիս օգտվել ժառանգությունը ընդունելու համար օրենքով սահմանված վեցամսյա ժամկետից եւ այդ ժամանակահատվածում դիմել նոտարին: Հասկանալի է, հարազատ անձնավորության կորուստը ցավ է բոլորի համար, եւ միշտ չէ, որ հաջողվում է տեղավորվել սահմանված ժամկետներում, սակայն, դա անհրաժեշտ է անել, որպեսզի քաղաքացիներն ավելի քիչ տանջվեն ու առանց որեւէ խոչընդոտի ստանան ժառանգությունը:

- Ինչպիսի՞ն է Ձեր կարծիքը բնակչության հետ հարաբերությունների եւ փոխհասկացության մասին:

- Առանձնակի ցանկանում եմ նշել, որ նոտարական սպասարկումների մատակարարումից բացի, մենք՝ նոտարներս, բնակչության իրավաբանական օգնություն էլ ենք ցուցաբերում, ինչը, ըստ իս, բավականին դյուրին է դարձնում փոխհասկացությունը: Եղել են նաեւ դեպքեր, երբ նոտարը ուղղակի լսում է բնակիչներին նրանց հուզող հիմնախնդիրների մասին: Նման դեպքերում, անձամբ ես զգում եմ, որ մարդիկ մեզ հարգում ու վստահում են:

- Դուք ստացել եք իրավաբանական բարձրագույն կրթություն: Ինչո՞ւ ընտրեցիք նոտարի մասնագիտությունը:

- Փորձեմ հակիրճ պատասխանել ձեր հարցին: Ի՞նչը կարող է լինել ավելի հաճելի, քան մարդկանց օգնելը: Իսկ նոտարական գործունեությունը ընձեռում է տարիքային տարբեր խմբերի ու տարբեր խավերի բնակչությանը, այդ թվում՝ նաեւ անչափահասներին ու տարեցներին, որեւէ բանով օգնելու հնարավորություն:

- Առաջիկայում ի՞նչ հեռանկարներ եք տեսնում Ախալքալաքիի եւ Նինոծմինդայի շրջաններում նոտարական գործունեության համար:

- Քանի որ Ախալքալաքիի եւ Նինոծմինդայի մունիցիպալիտետների բնակչության նշանակալի մասը սերտ բարեկամական հարաբերություններ ունի հարեւան երկրների հետ, հետեւաբար, աճում է փաստաթղթերի շրջանառության պահանջարկը, ուստի եւ կարծում եմ, որ առաջիկայում էլ բարձր կլինի նոտարական սպասարկման պահանջարկը:

- Ձեր կարծիքով, որքանո՞վ արդարացված կլինի «Վրաստան» թերթում «Նոտարի մասին» օրենքի հայոց լեզվով հրապարակումը եւ համացանցում այն կարդալու հնարավորության ստեղծումը:

- «Վրաստանին» խորհուրդ կտայի, «Նոտարի մասին» օրենքի հրապարակման փոխարեն, պարբերաբար նյութեր տպագրել այն պրակտիկ գործողությունների մասին, որոնք անհրաժեշտ են նոտարական այս կամ այն սպասարկման ստացման համար: Օրինակ, ինչ պետք է գիտենա քաղաքացին, որպեսզի հանձնի կամ ստանա երաշխավորագիր, մասնավորապես, Skype-ով, ինչպես ընդունել ժառանգությունը, ինչպես կազմել տարբեր տեսակի պայմանագրեր եւ այլն:

Նաեւ ցանկանում եմ իմ բարեմաղթանքները հղել «Վրաստանին» ու թերթի բոլոր ընթերցողներին:

ՄԱՆՈՒԿ ԿԱՐԱՆՅԱՆ

## ՄԱՐԴԱՐԱՄԱՐ

## ՀԱՇՎԱՌՄԱՆ ՏԱՐԲԵՐ ՄԵԹՈՂՆԵՐԻ ԿԻՐԱՐԿՈՒՄԸ ՀԻՄՆԱԽՆԴՐԻ ԾԱԳՄԱՆ ՊԱՏՃԱՊ

Վրաստանի վիճակագրության պետական ծառայությունը հրապարակեց 2014 թվականի նոյեմբերի 5-ից մինչեւ 19-ը անցկացված մարդահամարի տվյալները:

Մարդահամարը անցկացվել է երկրի տարածքի 82 տոկոսի (57 հազար քառ.կմ) վրա, ինքնակառավարման 71 միավորներում, 3765 բնակավայրերում եւ ընդգրկել երկրի բնակչության 79 տոկոսը (մարդահամարը չի անցկացվել Վրաստանի բռնազավթված տարածքներում):

Վիճակագրության ծառայության տվյալների հրապարակումը ժամանակի առումով համընկավ երկրի արդարադատության մախարարության կողմից Կենտրոնական ընտրական հանձնաժողովին ընտրացուցակների փոխանցման հետ: Մարդահամարի հրապարակված տվյալների եւ ընտրացուցակներում ներառված ընտրողների թվաքանակներում առկա է որոշակի անհամապատասխանություն: Մասնավորապես, ըստ մարդահամարի տվյալների, երկրի բնակչությունը կազմում է 7,7 միլիոն մարդ, այն ժամանակ, երբ ընտրացուցակներում վավերացված է 3,5 միլիոն ընտրողի առկայությունը:

### ԲՆԱԿԳՈՒԹՅԱՆ ԹՎԱՔԱՆԱԿԸ ՆՎԱՅՆ Է

2014 թվականի մարդահամարի համաձայն, Վրաստանում բնակվում է 3 713 804 մարդ: Նախորդ՝ 2002 թվականին անցկացված մարդահամարի տվյալների համեմատությամբ, բնակչության թվաքանակը նվազել է 15 տոկոսով:

Նոր տվյալներով, քաղաքային բնակչությունը կազմում

է 2122623 մարդ, գյուղականը՝ 1591181 մարդ:

### ՎՐԱՅԻՆԵՐԸ՝ 3.2 ՄԼՆ, ՀԱՅԵՐԸ՝ 168.1 ՀԱՅԱՐ, ԱՂՐԵՑՆԱՅԻՆԵՐԸ՝ 233 ՀԱՅԱՐ...

Մարդահամարի տվյալների համաձայն, երկրի բնակչության 86,8 տոկոսը (3 224 600) կազմում են վրացիները: Ազգաբնակչությամբ երկրորդը ադրբեջանցիներն են՝ 6,3 տոկոս (233 000), երրորդը՝ հայերը՝ 4,5 տոկոս (168 100): Տվյալների համաձայն, Վրաստանում բնակվում է 26 500 ռուս, 14 400 օս, 12 200 եզդի, 6000 ուկրաինացի, 5700 քիստ, 5500 հույն, 2400 ասորի եւ 14300 այլազգիներ: Ազգային պատկանելության հարցին հարցման ենթարկվածներից 600-ը հրաժարվել են պատասխանել, այդ սյունակը չի նշել եւս 500 քաղաքացի:

Ինչ վերաբերում է դավանաքին, ապա հարցման ենթարկվածների 83 տոկոսը հայտարարել է, որ Ուղղափառ եկեղեցու հետևորդ է, 11 տոկոսը մահմեդականներ են, 3 տոկոսը հետևում է Հայ Առաքելական եկեղեցու կանոններին, մեկ տոկոսը՝ կաթոլիկներ են: Բնակչության եւս 0,5 տոկոսը իրեն աթեիստ է համարում:

### ԿՆԱՆՆՆ ԹԻՎԸ ԳԵՐԱՆՆԱՅԻՈՒՄ Է

2014 թվականի մարդահամարի տվյալներով, Վրաստանի բնակչության 47,7 տոկոսը տղամարդիկ են, 52,3

տոկոսը՝ կանայք: Երկրի քաղաքային բնակչության մեջ էլ կանանց թիվը գերազանցում է տղամարդկանց թվին: Քաղաքների բնակչության կազմում 46,2 տոկոսը տղամարդիկ են, 53,8 տոկոսը՝ կանայք: Ինչ վերաբերում է գյուղական բնակչությանը, ապա այստեղ 49,8 տոկոսը տղամարդիկ են, 50,2 տոկոսը՝ կանայք:

### ԱՎԵԼԱՅԵԼ Է ՆԱԵՎ ՄԻԳՐԱՆՏՆԵՐԻ ԹԻՎԸ

2014 թվականին անցկացված մարդահամարը տվյալներ է ներկայացնում նաեւ Վրաստանից գաղթած քաղաքացիների թվաքանակի վերաբերյալ: Դրանց համաձայն, Վրաստանից միգրանտների թիվը կազմում է 88500 մարդ: Թե ինչպե՞ս են ստացել այդ թիվը, անհասկանալի է: Բավական է նշել, որ միայն Ռուսաստանում ներկա դրությամբ բնակվում է գրեթե մեկուկես միլիոն Վրաստանի քաղաքացի, շուրջ 300 հազարը ապաստանել են Հունաստանում: Ել չենք խոսում մյուս երկրների մասին:

Պաշտոնական տվյալներով, միգրանտների 21 տոկոսը բնակություն է հաստատել Ռուսաստանում, 15,9 տոկոսը՝ Հունաստանում, 11,2 տոկոսը՝ Թուրքիայում, 10 տոկոսը՝ Իտալիայում, Գերմանիայում՝ 7,1 տոկոս, ԱՄՆ-ում՝ 5,7 տոկոս, Իսպանիայում՝ 4,1 տոկոս, Ֆրանսիայում՝ 3,7 տոկոս, Ուկրաինայում՝ 3,7 տոկոս, Ադրբեջանում՝ 2 տոկոս: Հատկանշական է, որ Ռուսաստան, Ֆրանսիա, Ուկրաինա եւ Ադրբեջան գաղթվածների մեծամասնությունը տղամարդիկ են, իսկ Թուրքիա, Հունաստան եւ մյուս երկրներ՝ կանայք:

Պատրաստեց ՅՈՒՐԻ ԽՈՐԵՆՅԱՆԸ